

本足

王安石全集



大東書局印

王安石文集

卷十四 制誥（內制——冊文——表本——青詞）

郊祀昊天上帝冊文

伏以眷命作邦，百年於此；蒙休承福，外內用富；施及沖人，嗣膺歷服。燎禋有典，稱秩惟時。

郊祀皇地祇冊文

伏以大報千郊，有典咸秩；嚴作成物，配天同功。含食泰壇，義存一體。猥以沖眇，紹休前人；繫承昭事，不敢不

察。

郊祀配帝太祖皇帝冊文

伏以命于帝廷，肇造區夏；埽降僭倖，人以永甯。陟配天郊，實存舊典。靈承主薦，其敢忘初？

朝享景靈宮聖祖大帝冊文

伏以靈德在天，實其命降；依下土，臨罔後人。方以眇躬，繼承郊廟；神遊所御，獻享惟時。庶幾願歆，永有靈

賴！

朝享仁宗皇帝冊文

伏以體道邁德，寵綏臣民，休嘉垂延，燕及于後。肆以寡昧，獲承郊宮；裸饋有儀，敢忘用舊？

朝享英宗皇帝冊文

伏以宣德美行，實兆初潛；神民所歆，寶命自至。祇紹考服，循而弗改；用謚土宇，以詒沖人。登祔新宮，歷茲嘉月；燎種有舊，裸享惟時。

皇后冊文

維熙寧二年歲次己酉，四月丁酉，朔二十六日壬戌，皇帝若曰：「自昔有天下，必擇建厥配，以承宗廟，以御家邦。肆朕受命，奉循前烈，考慎典冊，以祈協于神民。咨爾向氏，懿柔淑恭，舊有顯聞，肇功惟祖，弼亮帝室。流德之澤，覃延後嗣，是產碩媛，比賢姜任。越朕初載，來嬪藩邸，盟饋在中，率禮無違。以至嗣服，祇承內事，齋明夙夜，罔有曠失。宜崇位號，表正宮庭，今遣攝太尉推忠協謀同德佐理功臣樞密使光祿大夫檢校太傅，行尚書刑部侍郎，上柱國，東平郡開國公，食邑五千戶，食實封一千戶，呂公弼攝司徒，朝散大夫，右諫議大夫，參知政事，護軍，太原郡開國侯，食邑一千一百戶，賜紫金魚袋，王珪，持節冊命爾爲皇后。夫惟興王，產厥士女，咸自內始，達于四海。朕克勤人用，弗怠朕克儉，人用弗奢，朕克正，人用無敢側顧。爾勵朕相，乃濟登茲。於戲！匪初惟艱，惟慎厥終，爾忱念茲，朕以永享天祿，爾亦豫有無疆之福，豈不懿哉！」

先天節皇帝謝內中露香表

伏以眇躬無似，實膺駿命之休；釐事有初，敢廢靈承之舊。冀蒙僊聖，俯監齋精！

天貺節皇帝謝內中露香表

伏以靈命告休，嘉名紀節，用露熏之故事，酬乾施之至恩。仰賴監觀，俯垂歆祐。

降聖節皇帝謝內中露香表

伏以昊天錫命，實佑永圖；夏月御時，載臨嘉節。率循故事，升薦至誠；仰冀靈明，傳垂庇貺。

冬至節皇帝謝內中露香表

伏以四氣隨旋，一陽來復。仰瞻穹昊，祇薦芬香；所冀含生，並蒙垂福。

南郊青城皇帝問太皇太后皇太后聖體表

臣名言：「自宮徂郊，夙夜祗事；方此寒沍，闕於定省。伏惟比日寢食宜加！」

太皇太后回答皇帝問聖體書

太皇太后致書于皇帝：「奉祠郊宮，爲國大事；夙興夜寐，固已勤勞。勉慎節宣，以膺禧福。」

皇太后回答太廟皇帝問聖體書

太后致書于皇帝：「躬率羣臣，肇見祖考；孝思之至，何以自勝。尙慎興居，以保休福！」

寒食節起居永定陵宣祖諸陵等處表

伏以榆火戒時，柏城在望；薦豆籩之新物，弗獲躬親；象几席之平居，實存館御。蠲烝有舊，炳墓無窮！

寒食節起居諸陵昭憲等諸后表

伏以桐華伊始，火令載嚴；獲嗣慶圖，仰蒙慈祐！追淑靈而莫逮？歷時序以增思。

中元節三陵起居諸后表

伏以素秋伊始，華月既盈；物御氣以夷傷，心感時而悽愴！伏惟尊謚皇后，惠風無斂，慈範有諒；猥以眇躬，仰承慶裕，瞻幽靈之所宅，結永慕之至懷！

八月一日永昭陵旦表

伏以暑往御時，宵中應律；載班秋朔，申薦廟嘗。伏惟尊謚皇帝，體道成乾，施仁應物；率土方涵於聖化，賓天遽愴於神遊；追龍駕於空衢，莫知所稅；瞻鳥耘之新龍，但有至懷！

十月一日永昭陵奏告仁宗皇帝旦表

伏以月乘該閏，時御閉藏；歲同薄以將更，物盛多而可享。恭惟尊謚皇帝，德符穹昊，功濟黎元，方求大隗，居，遂光成周之葬。光靈左望，感惻交懷！

十月一日起居永安陵等處諸陵表

伏以日星隨旋，歲月從邁；物更收攝之候，人積懷愴之懷！恭惟尊謚皇帝，躬睿廣之材，撫休明之運，協九皇而高世；追三后之在天，方以眇躬，嗣膺神器，想威靈之如在，感氣序以增欷！

十月一日起居永安陵等處諸后陵表

伏以哀恫在疚，未盡通喪；弦晦如流，載更良月。恭惟尊謚皇后，降釐媽衍，播美河洲，著慈範以如存，流徽音而可想。適陵永畢，感節深追！

冬至節上諸陵表

伏以氣復黃宮，星移北陸；物驗土灰之應，官修雲物之占。恭惟尊號皇帝，睿廣應期，休明作乂，收功既往，垂範方來。感時序之變流，想威靈而慘結！

冬至節上諸皇后陵表

伏以四時交御，一氣辭萌；慶雖屬於履長，悲豈忘於追慕？恭惟尊謚皇后，升僊尊極，協成休明，德範有餘，方美王雎之摯，容衣不闕，尚瞻榆翟之華。永想光靈，詎勝摧感！

寒食節上南京鴻慶宮等處太祖諸帝表

伏以火禁肇修，春祺博被；雖是奉養之禮，適當濡露之時。恭惟尊謚皇帝，德協上穹，功施後裔，懷神鄉而弗遐，庶聖像以如存。炳臺威靈，載懷感休。

中元節起居外州諸宮觀諸帝神御殿表

伏以夷則御辰，商聲甫協；望舒戒節，陰魄既盈。伏惟尊號皇帝，道邁往初，恩涵品彙，於屬車之所御，有原廟之舊儀。方此戒寒，豈勝追遠？

中元節起居諸陵表

伏以方秋厥初，既月之暮；昊天始肅，繁露未晞。伏惟尊謚皇帝，若昔大猷，受天明命，躬有靈德，燕及後昆。猥以眇躬，紹膺慶緒，垂恩罔極，甯忘駿命之休？釐事有初，敢廢靈承之舊，冀蒙僊聖，俯鑒齋精。

十月一日起居揚州諸帝神御殿表

伏以徂歲如流，甫更夏月；遺衣所御，實有經祠。方屬投艱，仰承錫羨，瞻威靈而如在，歷時序以增思！

冬至節上南京鴻慶宮等諸帝表

伏以子位杓同，黃宮氣應；既北天正之始，方扶陽律之機。恭惟尊號皇帝，體道邁仁，膺時建極，豫游所大，載御如存。換時序之變更，仰威神而感惻！

先天節奏告仁宗皇帝表

伏以金氣御時，商聲應律，仰聞火流之速，俯沾露降之慶。恭惟仁宗皇帝，功協聖謀，道侔乾則，垂至仁而不
冒。慶實無窮，感素節以深追，悲何有極？

南郊下元節更不於景靈宮朝拜奏告聖祖大帝表

伏以帝繫所元，僊遊如在，載更令節，當款殊庭，以卜種祠，將陳裸獻。惟祭儀之難懸，冀神監之具昭。

南郊禮畢皇帝謝內中功德表

伏以蠲桑廟祔，潔告郊時，寶蒙庇覬，以獲顧歆。惟錫福之無窮，曷歸誠之有已？

南郊禮畢福寧殿奏謝英宗皇帝表

伏以膺命紹休，諏時協吉，告潔素於廟室，奠嘉玉於郊丘。雖祗奉聖謨，獲無疆之慶賴；而深追神養，重罔極
之哀摧。

真宗皇帝忌辰奏告永定陵景靈宮慈德殿表

伏以慶靈同薄，永並後昆，時序徂遷，奄更諱日。威神在望，感忱秉懷。

集禧觀開啓爲民祈福祈晴道場默表

伏以雨淫爲蓄，民用愁墊，式陳淨供，以致誠祈。冀格靈明，遂蒙開霽。惟潔素之無害，仰休養之有依。

南京鴻慶宮開啓皇帝本命道場青詞

伏以寶命有齡，以自求而致福；至神無體，隨所感而應誠；祇奉靈科，實存故事。冀蒙垂福，俯鑒含生！

延祥觀開啓太皇太后本命道場青詞二道

伏以寶曆有齡，眇躬寶嗣；獲承慈範，仰荷神休。方元命之在辰，按舊儀而庀事。庶蒙慶祐，永錫難祺。

二

伏以聖功輔世，已大濟於艱虞；神道示人，用寵綏於祉福。敢因穀旦，祇奉靈科。冀大錫於壽祺，得永承於慈範！

崇先觀奉元殿開啓皇太后本命靈寶道場青詞

伏以克紹慶基，寶蒙慈訓；遵茲元命，若昔宗祈。冀靈鑒之俯昭，垂壽祺之永錫！

靈釐內殿開啓太皇太后生辰道場青詞

伏以壇席盛陳，科儀肅設；眷言慈歷，祝此誕辰。永綏壽考之祺，上賴神靈之祐！

靈釐內殿開啓皇太后生辰道場青詞

伏以集黃冠之勝衆，仰紫極之真游，按用科儀，營祈社福，仰求聰鑒，俯應誠心！

西太一宮開啓皇太后生辰道場青詞

伏以真聖在天，式序昭臨之位；眇沖嗣歷，永惟顧復之恩，敢因誕毓之辰，祇薦熏修之事，仰祈眷祐，俯察傾輸，推純嘏以及親，與羣生而均貺！

龍圖閣開啓皇太后生辰道場青詞

伏以妙善可依，每俯從於誠懼；至思難報，唯仰祝於壽世，祇奉靈科，隆施淨供，上賴監敬之力，永綏顧復之慈！

廣聖宮開啓真宗皇帝忌辰道場青詞

伏以深追諱日，祇奉靈科；仰永神福之繁，率用邦儀之舊，永惟昭廣，昭此誠祈！

福寧殿罷散三長月祝聖壽道場青詞

伏以順長贏之嘉月，女齊秋之靈科，所用熏修，薄靡眷祐，精衷以薦，釐事既成，仰賴聖真，俯昭誠懼！

福寧殿開啓三長月道場青詞

伏以降年有永，寶繇陰陽之功，嗣歷無疆，必謹靈承之志，帥時典故，若昔科儀，仰賴監觀，俯垂庇昵！

福寧殿罷散三長月道場青詞

伏以監觀在上，禳祝有儀；祇率舊章，仰祈況施！茂惟休福，俯逮烝黎！

福寧殿開啓三長月道場青詞

伏以臯月紀時，凱風應律；罄齋情而上禱，冀真聖之俯臨。永賴監觀，普垂庇祐，敢忘寅畏，仰答顧歆？

福寧殿罷散三長月道場青詞

伏以協用宜科，宗祈永命；惟神心之格，獲釐事之告成；冀與羣元，並膺遐福！

福寧殿開啓南郊道場青詞

伏以欽柴宗祈，爲國大事；前期齋禱，舊典有稽。仰冀靈明，俯垂眷祐。

卷十五 制誥 內制（青詞——密詞——祝文——齋文）

景靈宮三殿看經堂開啓中元節道場青詞

伏以三元令節，豫事有經；祇薦潔誠，宗祈祉福。仰繫庇祐，覃及庶黎！

景靈宮保寧閣下元節道場青詞

伏以殊廷外建，嘉節俯臨；風設靈壇，燭烝順祝。冀蒙真鑒，垂祐羣黎！

醴泉觀寧聖殿開啓爲民祈福保夏道場青詞

伏以聖真丕冒，品庶具依；常蕃啓之盛時，用薦修之故事。仰祈聰直，俯鑒齋精；博垂庇祐之仁，申錫壽康之

福！

醴泉觀寧聖殿開啓年交道場青詞

伏以像圖夙設，壇席載嚴；當此歲陰之交，率時禳祝之舊。仰惟庇祐，俯逮黎元！

集禧觀洪福殿開啓謝雨道場青詞

伏以旱暵成災，懼物生之疵癘；被瘡以禱，荷神離之顧綏。載闡靈場，式陳昭報。尚冀涵濡之施，以終庇祐之

仁！

在京諸宮觀景靈宮等處祈雪青詞

伏以華歲幾終，同雲未非；物將疵癘，咎在眇沖。敢罄齋精，上求嘉應。冀蒙貺施，孚佑含生！

謝晴青詞

伏以霽霽乍雨，暘不時若；蒙神賜祐，舊沴用除。奔走被瘡，以謝靈貺；祀饗有秩，不敢怠忘！

坊州秋祭聖祖大帝青詞

伏以祠城在序，御館如存，敢因肇敘之辰，祇用吉蠲之薦。冀靈垂祐，俯賜降歆。

瀛州地震設醮青詞

伏以地德安靜，震非其常；陰陽厥愆，以告咎罰。檜禳有典，仰賴監歆。所冀方隅，具膺庇昵。

二

伏以自河以北，坤乾不寧；敷置淨筵，以祈後福。仰惟皇覺，敷祐羣生；監此齋精，俯垂庇昵。

北嶽廟爲定州地震開啓祭禱道場青詞

恭以地職持載，靜惟其常；今茲震搖，以警不德。涉河而北，又用驚駭。惟嶽有神，芘綏厥壤；殺除祠館，按用新儀。請命上靈，冀蒙李佑，敢忘責畏，以答眷歆。

集禧觀開啓保夏祝聖壽金錄道場密詞

伏以時任炎火，物方苛祉；卽祠庭之精闕，竭清道之嚴祇。仰冀監觀，俯垂庇祐；具綏福履，申弭疾殃。覃及羣黎，永膺駁穀。

崇先觀開啓保夏祝聖壽金錄道場密詞

恩。

伏以眷祐無疆，其修有舊；當朱明之絕候，祈蒼昊之垂仁。申錫休嘉，外覃品庶；敢忘靈承之志，永膺丕冒之

延福宮開啓皇后生辰道場密詞

伏以統合后宮，協承先廟；詹辰俯及，釐事有常。惟萬德之博臨，冀百祥之永錫！

延福宮開啓皇太后生辰道場密詞

伏以協承寶命，恩維衍育之深；俯應羣情，法有擬持之妙。齋場夙設，慶事備終；敢祈西竺之威神，永佑東朝之稱履！

金明池開啓謝雨道場密詞

伏以蕃啓在時，蒞隆爲虐；霽霽精而上稽，蒙膏潤之旁流；祗報靈休，式陳淨供。尙祈終賜，無使後艱！

興國寺開先殿奏告太祖皇帝孝明皇后祝文

伏以像設有嚴，特游所御；瞻衣冠而如在，懼風雨之弗除。亢事將興，消辰旣吉。永賴靈明之鑒，俯昭忱惕之懷！

西京應天禪院奏告太祖太宗真宗皇帝御容祝文（告遷奉安遷本殿之意）

伏以殊庭有恤，館御如存；吉日既闕，繕修惟謹；式陳嘉薦，以妥明靈！

啓聖院永隆殿奏告太宗皇帝元德皇后祝文

伏以威神所感，營繕有期；考禮舊章，宜時潔告。茂惟靈德，俯鑒至懷！

太廟入室奉慈諸廟奏告南郊等處祝文

伏以三歲一郊，實昭大報；前期肅告，國有故常。仰冀靈明，俯垂鑒祐！

諸皇后陵奏告謝南郊禮畢祝文

伏以禋饗郊宮，國之重事；唯蒙慈庇，以獲休成。笑祝有經，敢忘用舊！

景靈宮英德殿奉安英宗皇帝御容祝文

伏以先聖舊祠，祖宗所御；嗣興寶構，追奉靈躋。諒日既嘉，具儀以妥。但惟在上，永保厥甯！

天章閣延昌殿權奉安英宗皇帝御容祝文

伏以相名山於洛宅，既北寢園；倣原廟於漢儀，將遷館御。澤除祕宇，嚴奉辟容。冀靈躋之少安；副哀情之闕

極！

西京應天禪院圻修太祖神御殿祭告祝文

廟剝有嚴，威神所御；將改新於寶構，永欽奉於時容。仰冀靈明，俯垂鑒佑！

景靈宮修蓋英宗皇帝神御殿上梁祭告太歲已下諸神祝文

伏以欽奉靈遊，肇營寶構；舉修梁而撥日，具蠲籍以甯神。被此後艱，仰繫大祐！

慈孝寺崇真彰德殿爲經霖雨垂脊脫落奏告祝文

伏以雨淫告災，垣屋或壞；惟神所御，不圯弗支。諫用靈辰，改新厥構。蠲爲祗薦，於禮有常。

太廟后廟奉慈廟雅飾告祝文

伏以三歲一郊，祖宗成法；靈明所御，增飾有時。方此儻工，禮富潔告。

西太一宮立秋祝文

伏以候火既流，占灰甫應；真籙所御，靈時具存。率循舊章，作薦常事。仰祈錫福，大茂含生！

中太一宮立冬祝文

伏以維御國郊，庇貺天物；祠宮筴祝，在禮有初。涓選吉時，作薦常事。敢祈孚祐，施及羣衆！

九宮貴神祝文

王安石文集卷十五

伏以卜用靈辰，躬修禋享，清壇所兆，潔告有常。

景靈宮里域真官祝文

伏以宗祈陽郊，祗見神祖；祿茲淨域，風賴真靈！祗率舊章；式陳嘉薦。

天地社稷宮觀等處祈晴青詞祝文

積陰爲沴，淫雨非止，蕩決漂墊，將爲民菑；懼德不類，以干咎罰；是用齋祓，宗祈明靈。冀蒙垂矜，遂獲開霽；休嘉之錫，實被含生！

五嶽四瀆諸廟祈晴祝文

淫雨弗止，將爲民菑；懼德不孚，以罹咎罰；是用奔走，禱于明神。惟神監觀，惠以時暘；非民獨蒙嘉福，神亦永有休享。

定州北嶽爲地震祭禱祝文

伏以自河以北，陽出鎮陰；人用不甯，咎由菲德！永惟聰直，庇祐一方！祗飭使人，齋精以禱。尙蒙歆鑒，無有愆艱！

文德殿告遷御容祝文